

# Таньгъчар хулд-гүүлгä делгрүлхмн

Эн джил таньгъчин потребкооперац эд-тавр гүүлгдг лавкс селäдär элвädж гаргъв. Западн, Яшалтинск, Черноземельск райодар лавксин шин гермүд бärгдв.

Алдр Октябрин 40-ч джилн öбниг оньчтагъар тосдж, олна тетгүлин тöриг сäänär күцäх болдж, потребкооперацд кöдлдг улс ик даалгъвр авцхав.

Мана таньгъчин потребкооперац öрäl джилä эд-тавр гүүлгх зурагъан 104 процент күцäв. Западн райпотребсоюз (ахлачнь Анисимов) тер зурагъан 113 процент күргдж күцäв.

Западн райпотребсоюз ююн-ас иштäгъär иим сän дилвртä ирсмб? Негдвär болхла, эд-тавр гүүлгäчнр кöдлмшиннь тускар цäälгъвр кесн тöлäd, хойрдвар болхла, социалистическ дöрддäг сäänär бүрдäснä учр.

Тим сän дилвр бärсн тöлädän Западн райпотребсоюз дамдждж йовдг Улан туг авб.

Тäränä ургъц хураджах, малин теджäl белдджäх, малин үвлзнь ясджах цагт хулд-гүүлгä сäänär бүрдäлгън чинртä төр. Совхозин, МТС-н кöдлмшчнриг болн колхозникудиг эд-таврар, эдл-уушар, үмсх-зүүхär тетглгън таньгъчин потребкооперацин эрки төр. Эн гурвдгч кварталд эд-тавр öмнкäсн итär ирхмн. Тер ирх эд-тавр дунд стол, стул, шкаф болн талдан чигн гер дотркиг кеерүлгч öлг-эд бас бäänä. Нуудж

ирджäх хальмг äмгнд гер бärх модн, гер бүркх хала, шифер, хадасн бас ирджänä. Иим ик эд-тавр, тосхлтин материалмуд орад бääsн бийнь, газрури ирджäх äмгсн то ик болсн учрар, эн тоот күрт-джäхш.

Дакад болхла райодин зärm райпотребсоюзмуд муугъар кöдлсн учрар сара зурань күцхш. Юстинск район (ахлачнь Ширяев) июль сара зурагъан 93 процент күцäв, öрäl джилä зурагъан 94 процент күцäв.

Юстинск район Иджл голин кöвäd бääsн учрар шин загъсн болн талдан чигн эдл-ууш: махн, тосн, öндгн, зер-земш элвг. Тер бийнь райпотребсоюзин ахлач үр Ширяев хот-хоолин худдлгъиг элвäh эв-аргъ хäähш. Эн района лавксар шамин тосн, папирос, давсн, гер цагъалгъдг шавр бас уга.

Иим ик дуту-дундс бääsн бийнь, райпотребсоюзин ахлач ухан-седклän öгч, эд-хулд делгрүлх эв-аргъ хäl уга, конторган сууцхана. Эн тоот дуту-дундд ик буруга кун—Ширяев.

Дакад болхла райпотребсоюзмудиним салнь дуту-дундиг райкомс, райисполкомс заадж чиклх зöвтä.

Хальмг таньгъчин потребсоюзин халхар кöдлджäх äмгс авсн даалгъвран үнн-седклän öгч күцäх ик эрки тöртä.

Б. МАНДЖАКАЕВ.

Таньгъчин потребсоюзин ахлачин дарук.